

宋詩紀事補遺

宋詩紀事補遺卷之一

歸安陸心源伯

歸安陸心源伯

眞宗皇帝

屬有

送張無夢歸天台山

混元爲教合醕精視之無迹聽無聲惟有達人臻此
理逍遙物外事沉冥浮雲舒卷絕常勢流水方圓靡
定形乘興偶然辭澗戶談眞俄爾謁王庭順風已得
聞宗旨枕石還期適性情玉帛簪纓非所重長謔聊
復籠歸程

天台集

觀龍歌

中使自茅山取龍入
獻乃作歌送還山中

四靈之長惟此龍虬龍變化故難同三茅福地羣仙
宅靈物潛形在此中池向仙人馴擾得至今隱見誰
能測乘雲蠢動獨標奇行雨嘉生皆荷力常人競取
暫從心才出山檻兮無處尋中使勤求深有意欲獻
明庭兮陳上瑞初獻一龍朝魏闕偶挹二龍離洞穴
人龍心若符契一去一住何神異我覩真龍幸不
驚至誠祝龍龍好聽但祈風雨年年順庶使倉箱處

處盈

景定建
康志

仁宗皇帝 屬有

挽劉沆

早富經綸業終成輔弼功立朝無黨勢爲國盡公忠
此日悲遺直誰人嗣匪躬深嗟亡一鑑何以慰予衷
輿地紀勝劉沆永新人至和中相仁宗首
請立儲詞嘉祐初罷知陳州薨柩過都門
仁宗御製挽
詩以賜云

神宗皇帝 屬有

賜大理丞梁世基橫州宅生連理荔枝

橫浦江南岸梁家間世賢一株連理不五月荔枝天

廣西通志勝蹟

賜太師文彥博

四紀忠勞著三朝聞望隆盲茲難老祉報在不言功

富矣勲彌大居焉貌甚冲西都舊士女白首必瞻公

汾州府志

徽宗皇帝

厲有

生荔支宣和間以小株結實者置瓦器中航
海至闕下移植宣和殿錫二府宴賜瓊

密移造化出閩山禁御新栽荔子丹山液乍凝仙掌
露絳苞初綻水精丸酒酣國艷非朱粉風泛天香轉
蕙蘭何必紅塵飛一騎芬芬數本座中看

三山志

高宗皇帝

厲有

南郊禮成

清壇祗謁禮郊丘輔相賢勞共款留初訝密雲低覆
盲遠看霽景上飛浮氣回俎豆羣工泰喜入貔貅萬
馬秋赫赫天心允昭格協謀同德賴嘉猷

浩然齊雅談紹興己巳南郊
禮成思陵御製詩以賜云云

孝宗皇帝 屬有

題張曲江像

鹿入深宮花解愁牛登高鼎餽傷休當時若聽履霜

語豈到峨眉山盡頭

吉安府志卷十

題皇雩山圖

仙鶴飛去是何年靈蹟猶存古嶺邊藤老龍蟠疑護

法山幽禽語是逃禪手攀古木身忘倦口吸香泉骨
欲仙鄰叟不知唐世遠猶言謝母舊因緣

湖南通志山川

光宗皇帝

厲有

賜楊萬里

黃蘆洲上雪初乾風撼枯枝晚更寒靜艤小舟誰得
似生涯瀟洒一漁竿

吉安府志

賜余復

臨軒策士豈徒然嗣守丕基務得賢爾吐忠言抒素
蘊我縻好爵副詳延愛民憂國終無怠厚澤深仁賴
廣宣賜宴瓊林修故事朕心期待見詩篇

甯德志

甯宗皇帝

帝諱擴光宗第二子建元慶元嘉泰開禧嘉定
在位十七年葬永茂陵諡曰仁文哲武聖睿恭
孝皇帝廟號甯宗

賜狀元蔡仲龍

聯魁金玉龍頭選詔下今朝遇已知上國風光初曉
日御階恩渥暮春時內庭老最稱文異臚唱宣名獎
意奇故里仙才若相問一年攀折兩重枝

宣平縣志

理宗皇帝

厲有

賜北山澄庵

秋思太華峯頭雪晴憶巫山一片雲去國歸來猶未

得新詩遙贈北山君

福建通志古蹟

題趙葵墨梅

溪藤疏影執千尋筆補春工著意深止渴調羹歸妙

手誰知一片歲寒心

景定建康志

賜中書舍人直學士院馬廷鸞

右掖摛文武步高綬衮御直猷蘭膏當年宮錦張雙

鶴今夕仙圖看鉅鼈詩贈玉堂蘇易簡光搖蓮炬令

狐絢明時盛事今重見爰製篇章示衮衮

樂平縣志

孝梅里

南風六月吐梅花奇絕西昌孝子家一點落英千古
月夜來噉殺後棲鴉

江西通志龍震翁泰和人性孝母汝未葬
山寇焚掠火其居震翁倉皇無計夫妻俱
抱柩死死處有枯梅明年六月作花事聞
理宗旌其門曰孝梅里又御製詩云云

度宗皇帝

鴈有

賜狀元張鎮孫以下詩

臨軒再策豈虛文要語詒謀敢弗遵昭格天心惟至
敬封培那本在深仁詳延喜見洋洋對來舉知爲蹇
蹇臣始進便當思遠到會須華國有儒珍

粵詩
蒐逸

宋詩紀事補遺卷一

男侍讀銜內閣中書樹藩校

宋詩紀事補遺卷之二

歸安陸心源伯剛父輯

朱昂

字舉之其先京兆人天復末徙南陽朱溫篡唐
父葆光樂衡山之盛遂家焉後仕宋至工部侍
郎致仕卒年八十三門人謚曰正裕先生

宋史文苑

有傳

送新知永州陳秘丞瞻赴任

赴郡逢秋節晨征思爽然過橋猶見月臨水忽聞蟬
野色藏溪樹香風撼渚蓮此行君得意千里獨搖鞭

沉湘者
舊傳

觀石魚成詩一章因歌聖德

欲識豐年兆揚髻勢漸浮只應同在藻無復畏吞鉤
去水非居轍爲祥勝躍舟須知明聖代涵泳杳難求

石刻

阮思道

字思恭建陽人中南唐進士入宋爲史館檢討
歷守韶衛永三州

送崇教大師回天台

碧雲高價徹天涯珪璧清無一點瑕雙闕再承新雨

露三吳重賞舊烟霞水軒散味朝賢句松院分嘗御
府茶聞說赤城終未見畫圖何日寄京華

天台續集

扈蒙

字日用晉天福進士入宋歷官翰林學士尙書
戶部侍郎知制誥以工部尙書致仕卒著有鰲

山集

桐廬員外出勳德之門以儒素爲業泊來儀
於京闕久飛譽於縉紳今則膺鳳詔於朝端
奏牛刀於江表會承旨尙書賦瓊章於丹地
餞蘭櫂於清流愚雖不才敢繼其作

王謝高門江鮑才東遊何用更裴回
弦歌好就吳鄉拜簪組初從魏闕來
清酒一尊攜湫澁舊詩千首貯
瓊瑰健颿輕權須行樂莫效當時庾
信哀嚴陵集

陶穀

厲有

石橋

重重翠嶂聳雲端玉殿金樓縹緲間
聖境不容凡俗到故將飛瀑隔塵寰
天台續集

幸黃遜

夔州雲安監人後蜀翰林學士工部侍郎隨昶

入宋

登戎州江樓閒望

滿目江山四望幽，白雲高卷嶂煙收。
日回禽影寒疎木，風遞猿聲入小樓。
遠岫似屏橫碧落，斷帆如葉截中流。
輿地紀勝

田渰

蜀人孟蜀時進士，負文學性剛介，不畏強禦，累
官犀浦簿、龍游令。

失題

閑行閑坐復閑吟，一片澄然太古心。
拾得好詩清似玉，練來虛府靜如琴。
已將蛇足師陳軫，懶把蠅頭愛

華歆必也長磨到如此退身何更羨雲岑

分門古今類事

趙巖

字魯瞻五代時駙馬都尉

題柳公權書度人經卷

右軍曾寫換驚經珠黍仙書骨氣清看到柳公心正

處千年筆諫尙馳名

書畫彙攷

江景房

字漢臣初仕吳越錢氏爲侍御史錢俶納土景

房實上其圖籍時地陞賦煩田畝米三斗景房

慨然嘆曰吾不忍數州之民重困不已乃悉沉

其籍于江詣銀臺自劾所以亡失狀太宗大怒
幾戮之請沁水尉未幾謝病歸絕口不道沉籍
事厥後子孫顯盛人以爲陰德之報

保安寺

擾擾塵埃白日忙偶然來謁贊公房行登峻嶺躋攀
倦坐俯清泉笑傲涼林靜鳥聲酌客語風來花氣逐
人香此時已覺凡塵斷分得高僧興味長

開化縣志

畢士安厲有

國清寺

三四百年寺今來國又清若非逢聖祚徒自有嘉名

月殿五峰色風松十里聲不緣君命束便好脫塵纓

天台續集

郭贊

字仲儀襄邑人乾德中進士官禮部尙書卒謚

文懿宋史有傳

奉次文爵兄韻

京國相逢意盡傾不須池草夢中生細將兩地行藏
語消盡幾番長短更籬外黃花香共嗅紫頭易傳手
中評慚子才竭難爲弟況復輪兄獨秀名

寄劉延叟

弱齡志登涉壯卽遠行遊名山思徧歷書劍多遲留
我思在錦水木落巴山秋願隨蛾眉月影入平羌流
孤飛何處鶴清淚寒雲愁賞心隔歡愛悵望烟巒稠

宋詩
拾遺

錢昱

字悅之錢唐人吳越王俶兄長佐子開寶三年
以德化軍節度使本路安撫使兼知台州見宋
史錢俶傳及赤城志

留題巾山明慶塔院

數級崔嵬萬木中最堪影勢侶難同闌干夜壓江心

月鈴鐸秋搖嶽頂風重疊畫欄遮世界稀疎清磬徹
虛空有時問著禪僧路笑指丹青去不窮

天台續集

松垵留題

景致逼神仙心幽道亦立僧閑來出世松老不知年
放馬眠岩草移盃酌澗泉浮名如脫得終住此雲邊

三山志

昇山靈巖寺

杉松滿寺廊欄杆倚高岡郡郭曉雲漠禪齋春草長
澗青連竹色山靜帶茶香更有名僧在茅庵住上方

同上

王嗣宗

字希阮汾州人宋史有傳

思歸

欲卦衣冠神武門先尋水竹渭南村却將舊取樓蘭
劍買取黃牛教子孫

宋詩拾遺舊聞嗣宗于太祖朝與趙昌言
爭狀元于殿前上命二人手搏約勝者與
之昌言髮禿嗣宗毆其僕頭墜地趨
前曰臣勝矣上笑以嗣宗爲狀元

吳淑

厲有

送僧歸天甯萬年禪院

偶攜筇杖辭青嶂便賜蘭芽染紫衣城闕暫隨明月

至江湖還其白雲歸樓中夕照山川秀盤裡春蔬笋
蕨肥我爲浮名閒未得他時蓮社願相依

天台續集

李昉厲有

送桐廬知縣刁員外

新桐廬知縣員外端修節行富有才名九霄
未展於奮飛百里暫勞於綏撫言之美任卽
動征橈敢賦惡詩用申攀送

詞筆凌雲正後生安貧守道住神京昔年南國無虛
譽今日中朝有令名楊柳岸邊攜袂去木蘭舟裏載
書行琴堂莫作多時計碧落方開萬里程

嚴陵集

王處厚

字元美四川華陽人宋初進士

遊古陌吟

雖言今古事難窮大抵榮枯總是空算得生前隨夢蝶爭如雲外指冥鴻暗添雪色眉根白旋落花光臉
上紅惆悵荒原懶回首暮林蕭瑟起悲風

古今類事

安德裕

字益之一字師皋河南人宋初舉進士累官金部郎中出知睦州還判太府寺有集四十卷宋史文苑有傳

送僧歸天甯萬年禪院

跡自青門遠田衣賁在躬舊房千嶠外歸棹五湖東
地力薑畦沃年支芋盎充從支乃榮道一與祖心同

天台續集

查元方

尚書文徽長子南唐建州觀察判官宋既下金陵
盧絳據歙州傳檄至建元方斬其使絳平擢
殿中侍御史宋史附查道傳

查公山詩

大道貴知止昔賢稱二疏今來我季方退身茲有餘

瀟灑去桎梏放蕩狎樵漁疏泉離遠竇鑿石構層廡
溪禽拂窗牖山花滿庭除寒藤繫舩艫碧潭澄素舒
覩茲塵壒外始見仁智居痛哉方散適溘然歸丘墟
恨不同老彭其樂永只且自古千祿輩知進不知退
立事名雖揚全身理何昧茂先賦鶴鵲體物知顯晦
一旦禍自速臨刑無以對李斯戀富貴下包周身智
及憶東門犬已棄咸陽市平子著歸田淵明捨彭澤
後來區區人誰復挂書冊我喜從今云吾宗有逋客
山號查公山嵎嶠雲漢間山下查公塚溪聲長潺潺
高臺好悵望絕磴堪躋攀他年謝簪紱永此繼閑閑

新安文
獻志

楊文郁

貴池人南唐進士

謁聖林

悠悠往古繼來今天地無窮照孔林兩到金絲堂下
拜門生無負百年心

闕里志

徐熙

鍾陵人世爲江南顯族畫花果林木禽魚草蟲
妙得造化寫意出古人之外梅堯臣詩稱之

桃花夫人廟

一樹桃花發桃花卽是君空祠臨野水何處覓行雲
事迹樵人說爐香過客焚雨添碑上蘚難讀古時文
續輯漢陽縣志

案楊文郁徐熙二人全唐詩不錄今附于宋初

呂蒙正

厲有

題闕里

南沂西泗繞晴霞北岱東蒙擁翠華萬里冠裳王者
會千年鄒魯聖人家高林蔽日無巢鳥古碣埋雲半
吐花瞻望宮牆空佁僂敢從滄海問津涯

山東通志藝文

張齊賢

厲有

胡氏華林書堂

一百年來煙爨同衣冠江左慕家風兒孫歌舞詩書
內鄉黨優游禮讓中孝弟筠編爭紀錄門間天語賜
褒崇莫將六闕方朱氏葉葉蒸嘗奉始終

舊江西通志

王化基

字永圖真定人太平興國二年進士累官左拾
遺擢諫議大夫御史中丞叅知政事卒謚正獻
宋史有傳

送僧歸護國寺

振錫詣華京頻頻答寵靈玉階前見佛金口內聞經

論道窮幽蹟探玄極杳冥褒崇恩爛熳教化語丁寧
傳作心中印鑄爲座右銘雲飛來北闕鶴夢去東溟
鼓棹辭梁苑揚帆過洞庭到山開御札鸞鳳滿巖扃

天台
續集

馮拯

字道濟河陽人太平興國三年進士官至同平
章事諡文懿宋史有傳

題徐氏金湖書院

古艾地多勝修甯景最幽溪聲常到枕山色正含秋
樹密苔封徑庭虛月滿樓清輝光累世高義藉名流

義甯
州志

邵奕

字日華連州人太平興國三年進士官至右諫
議大夫知廣州

遊真祺觀

肩輿迢遞訪遊仙自是山中別有天松影參差籠玉
殿鶴聲嘹唳下芝田青蒼巖色臨門外斷續泉流遶
檻前便可相從解簪紱時清難戀薜蘿烟

粵詩
蒐逸

王洞

太平興國三年七月將作監丞知湖州軍州事

六年六月罷

于越亭

越國啟封後餘地連吳楚事著因一時留名遂今古

輿地紀勝

樂

史屬有

慈竹詩

有序

予知陵州見城郭村塢中有慈竹生向內不
離根本非獨物象之奇實乃草木之義門也
唐王勃喬琳雖各爲賦而孝慈之懲勸無聞
焉因爲詩以識之

蜀中何物靈有竹慈爲名一叢闊數步森森數十莖
長莖復短莖枝葉不崢嶸去年筍已長今年筍又生
高低相倚賴渾如長幼情孝子侍父立順孫隨祖行
慈愛必孝順根枝信天成吾聞唐之人孝行常忻忻
鄆州張公藝九世同一門大帝聞其名衡茅降至尊
馮宿卅歲時隨父廬竹墳父子相隨孝靈芝特地春
北海呂元簡四世爲家主以至牛馬羊異母皆相乳
虞鄉董恭直鞠養諸孤遺鵠鵠與鴉鵲同巢而共枝
孝行動天地鳥獸皆隨時又聞猓然獸死不相棄齷
齷蝣與鰕魚子母長相隨獸面而人心此獸信有之

獸心而人面其人誠可悲李鈞爲侍御棄母在溫州
母因殍餓死甘旨何悠悠光祿李珣者亦是斯人流
有母不侍養異居經千秋唐家法細寬貸死流遐陬
崔湜爲侍郎天子賜瓜香攜歸與愛妾老母不得嘗
一旦惡貫盈殺之於路傍越公鍾紹京至孝何殊常
少時得果瓜先解進高堂長大遇元宗榮華不可當
孝者名常新逆者汚人倫人旣不如竹乃是一埃塵
夫爲人子者莫若事尊親夫爲人父者莫若教兒孫
積善與行孝可以立其身我願移此竹栽於率土濱
使彼行人見皆爲慈孝人樵童見此竹且莫伐爲薪

宜黃
縣志

鄭文寶

厲有

雙筍石

流水驚前事清風似昔時重吟金谷詠如見峴山碑

金石

苑

戚綸

厲有

送張無夢歸天台

應悔名高藏不得朝天翻喜故身歸知時多順時人
話混俗猶披俗士衣有伴指期玄鶴老無心高義白
雲飛赤城此去全忘慮笑我塵勞未息機

周絳

溧陽人幼入黃山觀從道士楊用柔爲老子學
名智進適縣令視水菑至觀威儀甚肅因悟所
學之非改業爲儒更名絳攻苦問學登太平興
國八年進士第由都官員外出守毘陵郡

太虛觀

骨化黃金鶴化胎仙翁輕舉出塵埃石幢雲鎖水常
在玉馬星馳煉汞回綠萍晚煙梅雨發朱藤餘萼麥
風開丹泉長活芙蓉死會買張山卜築來

溧陽縣志

姚鉉

厲有

曹娥廟碑

簫鼓聲中浪渺瀾古楓陰砌蘚封碑行人到此自恭

肅不似巫山雲雨祠

會稽掇
英集

羅處約

廬有

吳江聖壽寺

漁翁沙鳥傍迴塘攜印閒吟繞寺廊遠岫不離青艸

渡片帆時過綠落牆風狂林木生清籟日暖漣漪動

畫梁張翰思歸應有意幾多屏幃水爲鄉

吳都文
粹續集

劉昌言

廬有

釣臺

漢業中微炎祚衰四海姦豪竊神器南陽龍虎方鬪
爭赤伏真人正天位先生高隱來富春耕耒青山自
如意一竿漁釣樂幽深七里溪光弄蒼翠朝中天子
思故人物色寰中引其類先生獨步衣羊裘咳唾浮
雲輕富貴足加帝腹傍無人星動天文失躔次卓哉
光武真聖君終使狂奴畢高志雲臺千尺盡功臣誰
肯回顧釣臺地

又

不會持竿意由來善一身何如事天子就削漢功臣
亂木凋雲際幽禽散水濱空餘臺下月千載屬漁人

以上嚴
陵集

李建中 屬有

開垣曲山路成

爲郡同卧理民情識我情三秋得公事一月遶山行
底柱全拋險黃河日接平周遭到垣曲尊大近神京
借助林鹽潤增饒國計成虞州訪遺跡吳坂念長鳴
董澤蒲侵綠巫咸水傍清人懷絳縣老地嘆夏臺傾
下馬聽泉發登原待月生盤桓讀碑版扶持立刀兵
晚靄聞鐘斷微陽喜雨晴峭空崖背落斗截嶺西橫
仙恐臨王屋高疑見析城去車知軌轍連畝有農耕

彩錯翻朝旆，鉦鏦繫夜鉦。鑿開青石壁，填貯白雲坑。
舊幕憐才俊，嘉言許道亨。何當議險阻，始信說分明。
不倦共廉使，常存濟物誠。計詩聊就筆，千古愧題名。

山西
通志

張薦宅

字文君，晉時樂清人，隱居白鶴山。
王羲之訪之，通入竹間捨宅爲寺。

玉簫峯下仙君宅，一樹岩花幾百春。當日會稽王內
史，如何不見竹間人。

溫州府志

送張無夢歸天台

紫殿謁宸極，赤城歸舊山。氣清玄鶴下，語淡白雲閒。
路入翠微外，巖栖瀑布間。何當一攜手，相與話靈關。

謝泌

字宗源歙縣人太平興國進士景德元年以刑部郎中由兩浙轉運使移知福州有恩于民卒縞素祠而哭之宋史有傳

長樂集總序

湖田種稻重收穀山路逢人半是僧城裏三山千簇寺夜間七塔萬枝燈

輿地紀勝

謝客巖

舊刻巖前文字在登臨盡日動悲辛子孫千載知多少只我今來嗣後塵

東甌金石志

蔣緯

永州人太平興國間進士

澹山巖

風生崖木響
靄散洞門寬
幽徑盤危入
青天一面看
三冬僧定暖
五月客遊寒
縱有通神筆
亦應圖出難

沅湘耆舊傳

夏侯嶠

字峻極濟州鉅野人太平興國進士咸平二年
秋江浙饑命爲江南巡撫使所過疏理刑訟存
問耆老務從寬簡人以爲便使還采病民二十

餘事止之亟詔釐革官至翰林侍讀學士尙書
戶部侍郎見浙江通志引王惟儉宋史記及王
臨川集

送李少和還山

鰲來雙闕下雅向九霞間遂策雲中杖言歸海上山
入林煑白石服氣駐朱顏自愧風塵客瓊枝宵莫攀

温州府志

李含章

厲有

著有僊都集五卷

石盆寺

巨石何年琢爲盆勢莫裁圓疑通澤國深可並天台
法水長時滿青蓮向日開無人知此喻寂寞首空迴
題武陵護戎林亭

修篁簇徑出林椒可與遊人避俗囂曲檻隔花安筆
硯小窗延月伴簾瓢紅藤引蔓口山豆綠葉分葩植
水蕉到此每憐清氣別可堪寒夜雨瀟瀟

寄題元長老林亭

聞說幽亭氣象寬何須基構入雲端平瞻一郡連山
翠遠矚千門枕水寒風拂石牀松子墜雨籠莎徑栗
花乾遙知出定牽吟夜只欠清猿嘯碧湍

漁家

數家茅屋枕漁磯
歲歲生涯在渺瀰
雞犬怪人■竹
徑兒孫逢客倚柴籬
壁懸蓑笠殘烟雨
門對溪山閱
盛衰一曲新歌一
絃月夜深來往碧
漣漪

贈內閣王同年

回翔青瑣已多時
四海歸榮更是誰
通籍禁中參鳳閣
司言天上煥龍墀
修文禮樂源何大
振筆雲雷澤益滋
若把王褒頌勲業
未如際會過昌期

河北行

爲儒還解著征衣
遠戍沙連白草齊
雁陣不衝羌笛

怨狐烟微認塞雲低薺花露溼堆空塹蓼水泓澄截
古堤漸近界河分內外野禽嘒癢路東西以上宛陵羣英集
梁鼎

字凝正華陽人太平興國中進士仕至判西京
留司御史臺宋史有傳

送僧歸天甯萬年禪院

談空玉殿君恩厚歸與蘭舟澤國賒禪窟冷思滄海
雪吟樓晴憶赤城霞經吳屐滑當梅雨到寺衣香近
桂花深愧塵纓未能去石橋煎瀑共嘗茶天台續集

王 戩

太平興國中旌德令

題紫籙寺

竹山絕頂古招提境異相將竺國齊靈鷲雄吞台嶽
小瑞峯高壓斗牛低雲深石怪宜猿隱水靜林幽樂
鳥啼見說當年封紫籙只因丹鳳此中棲

天台別編

張度

太平興國中知邵武軍有治績

題洛陽村寺

金谷花時醉一場舊遊無日不思量誰知萬水千山
裡枉被人傳過洛陽

邵武府志

孟報

字子純連州人太平興國時人

贈史虛

詩酒獨遊寺琴書多寄僧

贈成務崇

同吟碧障邊已是十年前話別非容易相逢詎偶然
多爲詩酒累早被利名牽幸有歸真路何妨學士元

粵詩
蒐逸

廖融

字元素潭州衡山人太平興國中處士好吟詠

有佳句有道高尙上官多慕其行有詩集四卷

句

雲穿搗藥屋雪壓釣魚舡

古今類事

謝翁宏贈南遊詩

高奇一百篇造化見工全積思遊滄海冥搜入洞天
神珠迷罔象瑞玉匪雕鐫休艱不得力離騷千古傳
輿地紀勝

贈天台逸士

移檣託禪子攜家上赤城拂桀天籟寂欹枕海潮生
雪白寒峰晚鳥歌春谷晴又聞乘桂檝載月十洲行

天台集

宋詩紀事補遺卷二

男侍讀銜內閣中書樹藩校

宋詩紀事補遺卷之三

歸安陸心源伯剛父輯

郭昭乾

字汝瑞太平興國時布衣

述懷二首

箕穎久淪沒矯矯誰能羣憶昔讓王者高風殊可聞
我懷在寥廓思勒滄浪歎何時凌紫躋翛然絕塵氛
皇皇長安都赫赫金張第車馬競奔趨窮達在片議
綺麗世所欣崇高物恒忌何如古逸氏蓬門卧幽閤
移家

大道夷且長，捷徑自窘步。借問漫游人，胡爲局紆路。
我馬亦旣秣，風雲豈馳騫。遷喬非所期，舍筏聊自渡。
世途良足吁，更駕循軌度。

宋詩拾遺

郭昭符

雍熙初太僕寺丞通判永州軍州事

秋日同知州潘贊善朝陽巖閑望歸郡中書事

白帝呼龍駕，雲旌西上金。天調玉燭九，疑聳黛凝不。
乾二水飛藍健，相續紫黃詔。換魚須竹皂，蓋朱衫來。
作牧波神一夜收，風湍烈缺先秋靜。林麓曾巖照水。

明朝旭□□衢崖擁奇木山閣吟煙薄暮鐘酒旗拂
雨臨溪屋放歌身外光景促短續人間片時綠金刀
莫□□□□□長嘯□□祿梨梅漿酸□才熟□
□新味□□□□笋樵素絲□明□□□□青玉
□情去日無羈束逸思涼飄繞煙谷言涉淥水紗裳
輕朱鞅追風桃花速回看山下多麋鹿浩歎□□□
鴻鵠□來刁斗轉分明永夜公堂守幽獨□□□□
□□□□金液

下

零陵縣志金石

洪湛

字惟清昇州上元人幼好學五歲能爲詩未冠

錄所著十卷爲齡年集雍熙二年解褐累官比
部員外郎知彬舒二州試舍人院直史館咸平
六年卒年四十一

送新知永州陳秘丞

瞻

赴任

零陵古郡枕湘川太守南歸得意年
茶味欲過衡嶽寺橘香先上洞庭船
錦衣照耀維桑地

同年家於衡山今出其下

石鵞翻飛欲雨天若到浯溪須艤棹
次山遺頌想依

然

零陵縣志金石

錢熙

屬有

清源山

巍峩堆壓郡城陰秀出天涯幾萬尋翠影倒時吞半郭嵐光凝處滴疎林

龍首山

殘年仍置閏五日恰逢春攜酒客獨賞敲門僧不喚雙松如拱立萬井自橫陳精舍故盤礴元規塵上人

以上泉州府志山川

李維膺有

送舒殿丞

讀碑經峴首貫酒過宜城莫問依劉表休傷吊屈原

輿地紀勝

送張無夢歸天台

金骨一何輕
瞳方鬢復青
樓居陰巖桂
殿取別堦
冀玉宇藏丹
訣珊瑚泛綠
醅霞城中夕
夢懸想在彤
庭

天台集

送僧歸護國寺

香刹隱霞標
齋房見落潮
歸思海嶺繞
來應輔臣招
倚策吟雲合
乘杯呪浪銷
曹溪久得法
遊戲自逍遙

天台續集

陳世卿 屬有

祕書少監

師古堂

翠竹峯前是我家歸來重整舊生涯
煙霞尚有留人意可奈人前駟馬車

福建通志

劉階厲有

送新知永州陳秘丞瞻赴任

秋風清景雁初飛半醉搖鞭出帝畿
名郡又分紅旆去故鄉重見錦衣歸
剖符雖暫宣皇澤視草終須直紫微
從此南軒多倚望好詩芳信莫教稀

次韻虞舜廟懷古

詩人如不頌誰識太平心
石老碑文古庭荒蟻穴深

白雲生絕壑斑竹鎖疏林行客自南北青山無古今
登臨尋勝蹟望望日西沈

沅湘耆舊傳

陳瞻

湘陰人雍正二年乙酉進士官祕書丞咸平間
知永州

題朝陽巖

巖面郡樓前巖口瀑布懸曉光分海日碧影轉江天
向暖盤棲鶴迎寒簇釣船次山題紀處千古與人傳

沅湘耆舊集

梁灝

須城人雍熙中進士第一累官翰林學士有吏
才每進對詞辨明敏真宗嘉賞之所著有文集
十五卷宋史有傳

贈淳于公歸養

懇辭浮宦振家聲懸憶高堂指去程
還籍便通閨籍美綵衣兼映錦衣榮
推恩半俸供甘旨守道全家試
滿盈我恨無親可歸養與君言別若爲情

黃縣志

厭氣臺

天生王氣何能厭羸氏空勞築此臺
今日我來臺上看殘春寂寞野花開

徐州府志

范貽孫

字餘慶濟南歷城人質孫第進士授大理評事
雍熙中遷光祿寺丞官至主客員外郎直集賢
院見武夷新集

送崇教大師歸天台

名僧高隱盡修行人說吾師最出羣新向天台承帝
澤便朝梁院謝明君幾程烟水趨丹闕一院杉松鏤
白雲却泛輕杯舊山去石橋秋月會聲聞

天台續
集拾遺

王雍

雍熙中官殿中丞撰校定韻略五卷韻道五卷

韻源一卷

送僧歸護國寺

蕭昂矚餘輝堯天命賜衣石房雲外啟金錫日邊歸
草腐螢光散星中暑氣微抽簪期晚歲相許叩禪扉

天台

續集

孫冕 厲有

送新知永州陳秘丞

贈

赴任

桂林南面近徵黃又愛江鄉出帝鄉新命不辭提郡
印舊山重喜過衡陽樓臺滿眼瀟湘色道路迎風橘
柚香知有太平經濟術政閑時節好飛章

零陵縣志金石

賈黃中

雍熙時翰林學士

送新知永州潘宮贊若冲赴任

鴛鴦行中已著名，頽條暫慰遠民情。道途行去乘輶

貴，鄉里過時畫錦榮。鈴閣曉開江月滿，戟枝寒帶雪

峯明。知君游刃多餘暇，莫忘新詩寄鳳城。

零陵縣志金石

楊億

眉有

送高學士知越

萬壑千巖古剎中，錦旌朱轂此臨戎。酒厨歲取公田
糗，樵舸朝分射的風。閣吏蒸青藏史牘，席賓簪玳奉

談叢海邦訟息多幽賞禹穴奇書爲一空

送大理徐寺丞知諸暨

子山辭賦動南朝近佐名卿掌玉條治邑還持麈尾
柄攜家便泛木蘭桡謝塘春晝偏多思潘鬢秋風苦
未凋種秫公田供醕而彈琴官舍助逍遙去程千里
隨賓雁宿館三更聽落潮聞道臨安有仙穴莫拋印
綬採芝苗

以上曾稿
掇英集

送張無夢歸天台

小隱瓊臺布水邊獨披金語味重玄晨晷化鳥趨軒
室秋鶯翻濤逐楚船養鶴七年知善舞種芝三秀舊

成田殿輪不駐勞宸眷犀管裁章與世傳

天台集

以上各詩武夷集失收

查道

字湛然休甯人端拱初中高等歷官龍圖閣待制預修冊府元龜宋史有傳

送張無夢歸天台山

天台峻極橫海濱金庭紫洞多真人先生舍道心照鄰上有羲軒爲逸民玉韞深山珠在水圓□如虹難自晦萬乘知名欲見之來謁西清頻召對亭亭孤雲本無心琅琅仙骨時所欽卒讓賜金兼好爵俄辭堯闕

復丘林事載綖袖誠可貴跡寄烟霞愈無累還同麟
鳳遇皇明暫出巖扃作祥瑞

又

白嶽幽人□□□攜筇相別款柴關高情共樂皇風
遠真炁潛通浩劫間綠綺靜聞沉俗格榴花深引漬
童顏再聽玄旨知何日時望片雲歸故山

天台集

句

白銅鞮側花迷塢解佩江邊柳拂青

輿地紀勝

程宿厲有

端拱元年狀元

旅舍述懷

北山之北寄柴扉，茆屋參差倚翠微。
老罷那知還作客，春深無奈苦思歸。
淹留恐復荒三徑，潦倒甯看護六飛。
乘鶴雙鳬成底事，不應容易裂荷衣。

開化縣志

舒雄

歙縣人，端拱己丑進士。天聖三年，都官郎中知

婺州

太守王公植松因賦

滁上分憂老外郎，昔年曾此典南漳。
雙旌引過題橋路，五馬迎歸衣錦鄉。
種得萬株松樹在，至今人喚作

甘棠

輿地紀勝

胡則屬有

及第

金榜名傳四海知
太平時合稱男兒
五言似劍裁鱗角
七字如刀斫桂枝
御苑得題朝帝日
家鄉佩印拜親時
小花橋畔人人愛
一帶清風雨露隨

題紫霄觀

綺霞重疊武陵溪
溪嶺相逢路不迷
白石洞天人不
到碧桃花下馬
頻思深傾玉液
琴聲細旋煮胡
麻月色低猶恨
此身閒未得好
同劉阮灌芝畦

敬鄉錄

夜坐聞竹聲示姪

室明窗有燈夜暗天無月
趺坐依蒲團竹聲助清絕
初疑小雨至蕭蕭俄復歇
忽然變軒昂風湍散巖穴
聽從耳根靜萬慮皆瑩徹
塵凡不待掃境妙心自潔
奇哉不二門欲倩維摩說

奏免衢婺丁錢

六十年來見弊由仰蒙龍勅降南州
丁錢永免無拘束
苗米常宜有限收
青嶂瀑泉呼萬歲
碧天星月照千秋
臣今未恨生身晚
長喜王民紹見休

水村

畫橈兩兩枕汀沙
隔岸烟蕪一望賒
翡翠閒居眠藕葉
鶯鶯別業在蘆花
溪雲漠漠迷漁屋
野旆翻翻露酒家
一幅江南真水墨
無人寫得寄京華

永康縣志

李公寅

字亮功舒城人
端拱己丑進士
公麟弟藏有周昉美人琴阮圖
黃山谷題詩于絹素上

望遠亭

嶺分東粵封疆濶
天限中原氣象雄

輿地紀勝

古成之厲有

五僊觀

撥破紅塵入紫煙五羊壇上訪神僊人間自覺無閑
地城裏誰知有洞天竹葉影繁籠藥圃桃花香暖映
芝田吟餘地畔聊欹枕風雨蕭蕭吹白蓮

又

元元分古觀南鎮越王城五石空留瑞羣仙不記名
丹砂雖久煉雞犬自長生檻簇鰲頭景門通鶴頸程
煙霞沿砌起花木逐時榮古井涵虛碧深鐘入竹清
芳蕪延野色寒溜引秋聲藥竈封苔老芝田積雨平
風光齊嶽麓音信接朱明願得身從此乘雲到玉京

右唐律五十六字古風五言紫虛真仙雍熙間

所題也真仙姓古名成之字亞奭國初歲所貢
闔一路會試正薦一入古君貫廣州增城縣雍
熙元年被薦泊到南宮考中第二張賀劉師道
惡其南人名居其上遂於唱名前一夕召古君
夜飲潛置瘡癰藥於杯中黎明赴唱名語不出
太宗皇帝宣諭之曰明年再來必不掩卿雍熙
四年又取州解次年改元端拱在程宿榜及第
淳化二年召試館職除祕書省校書郎聞漢州
萃聚神仙之地授綿竹令淳化四年到任過至
人韓詠遺書啟緘披誦移寢東廡自此絕食日

惟飲酒忽一日取詰身於後題詩云物外乾坤
誰得到壺中日月我曾遊畱今留古爭留得一
笑浮生萬事休寫畢擲筆於地而卒縣佐方申
其化去而古君已先至漢州謁太守後有人見
之嘗往來成都市藥或涉仙都觀或遊眉山或
入九隴熙甯中雷霹武夷山石有字一行云古
成之於此上升舊綿竹邑東門外有古仙亭張
忠定公刻石以紀其事今廣州之西城有紫虛
古真仙祠迺經略安撫劉尙書重建此因五仙
祠宇復新謹以真僊所題本觀之遺什再勒翠

珉庶傳不朽云知觀事寒應祥拜手謹題

謹案碑在廣州五仙觀二詩俱宋詩紀事所未收又紀事稱成之惠州人中端拱二年進士據跋云貫增城縣又云次年改元端拱在程宿榜及第蓋紀事未見是刻故謂爲惠人耳

廣東通志金石略

貪泉

賢良知足辱爲爾戒貪名一酌不能惑千年依舊清
深涵秋漢色冷浸古松聲珍重荒碑在何人曾淚傾

懷石樓

相思天一邊知在石樓閒高卧客稀到數峯人共閒
仙方新更試易疏舊曾刪成之遷居增城結廬羅好
浮讀書著有刪易注疏
探黿頭信時應有鶴還

遊天通真身塔

潔志登高塔西南對海城一真雖有相萬法本無生
梅雨侵窗冷天風入海清臨回慵更語祖意自分明
以上與
詩苑逸

臨卒書詩

物外乾坤誰得到壺中日月我曾遊留今留古曾留
得一醉浮生萬事休

曾會

厲有

輿地紀勝古成之河源人簡靖力學國初
嶺嶠文風未振每取士合一路以一人薦
雍熙二年成之充賦督府勸駕詩云寰中
有道卷千載嶺外觀光祗一人道潭州遇
異人韓泳成之後宰綿竹韓有書
來成之索酒大書云云擲筆而逝

題法華山天衣寺

十里湖光十里松松陰路到十高峰
窗看渡口隨湖月樓聽雲門度嶺鐘
梁帝鉢含山雨潤普賢臺鑠薛
花重誰人的是忘機子香稻寒蔬養瘦容

會稽掇英集

送張無夢歸天台

九重留不住乘興返天台青嶂未爲靜
彤庭應更來

御詞編隱訣卧榻近丹臺衣袂含香氣蓬萊醉幾迴
天台集

黃震

字伯起蒲城人端拱二年進士累官著作佐郎
通判遂州由都官員外郎擢江淮發運使知饒
州徙廣東轉運使宋史有傳

送張無夢歸天台

想別岐周不記年丹丘高卧好林泉飛名已出紅塵
外放跡纔辭紫殿前虛室光翰君靜坐野雲終俟我
閒眠長詞宸翰眞皇賜袖去須知世世傳

天台續集

陳堯叟 厲有

送張無夢歸天台山

山人之所隱臨海赤城間天台峰峩峩剡水聲潺潺
絕頂一室非塵寰忘形終日同雲間僊聯每戾止人
迹絕躋攀沆瀣挹朝味冰雪留童顏手持百首還元
詩詩成自謂人不知世人得之蹈希夷自此遊朝市
皆爭識形儀承禎呂道遇明主子訓賣藥歸會稽張
君今能盡繼之冥冥孤鴻東南飛邈然不負烟霞期

天台
續集

華林書堂

旌闕書亭煥水鄉四時煙景似滄浪玉漿寒色連莎
砌金障秋陰覆草堂田里從來應遜畔兒孫遊戲亦
成行吾君孝理風天下誰識謳歌綴樂章

舊江西
通志

陳堯佐 厲有

江潮阻風

按部谿山接海濤連天風雨泊輕舸滄溟未必全勝
我潮落潮生亦自勞

題上虞蘭弓山

巖巖一峰千萬尋微茫樓閣寒雲深
巡州佐吏倚欄久泠泠天籟清塵心

憶越州

越絕谿山第一州。畫圖城郭幾淹留。閒思禹廟斜廻首，髣髴雲端見郡樓。

稽峰倚雲千仞高。澄湖倒影分秋毫。當年逸賞有餘意，徘徊不忍移輕舠。

抽毫欲賦東南奇。雲山好景慙有遺。平波蕩漾照湖淥，扁舟憶得遊春時。

唐施肩吾山居有感

幽居正想飡霞客。夜久月寒珠露滴。千年獨鶴兩三

聲。飛□巖前一枝柏。

會稽掇英集

寄題惠州野吏亭五言小詩二章

羅浮山下郡樓閣枕滄溟誰得閑中意清風野吏亭
山好曾惡句城高復創亭登臨千萬景誰與畫爲屏
廣東通志金石略

送潮陽李孜主簿

潮陽山水東南奇魚鹽城郭民熙熙當時爲撰立聖
碑而今風俗鄒魯爲

寄題漳浦縣齋

漳浦從來瘴癘深潮陽南去更難禁當時三載曾無
事不放閑愁人寸心

送王生及第歸潮陽

休嗟城邑住天荒已得仙枝耀故鄉從此方輿載人
物海邊鄒魯是潮陽

憶潮陽

記得幽人舊吟處獨遊亭在野橋西

以上輿地紀勝

國清寺

南越第一寺偶來心地真却嫌橋下水流去入紅塵

天台續集

張公洞

空山杳杳鸞鳳飛神仙門戶開翠微主人白髮雲滿

衣松間留我談玄機

毗陵志

鄭州浮波亭詩

井序

建宇出于波心開軒屹爾空際淪漣蕩漾勢若
浮焉因題曰浮波亭七言短詩一章謹其始云
碧玉波光四面寒虛空簷宇出林端塵埃未到交游
絕遠座扁舟與釣竿

石刻

郭載

字咸熙一字厚之浚儀人以蔭爲右班殿直端
拱中歷知天雄軍徙秦州遷西上閤門使知成
都宋史附樊知古傳

錦江遣興

雲水微茫爽氣浮，錦江如帶可憐秋。
潌洄霧縠時迷雁，漱澗霞光不見鷗。
晴雨一川皆好景，烟花三月總牽愁。
風波滿地乾坤濶，吟望長安垂白頭。

宋詩拾遺

劉少逸

厲有

送崇教大師歸天台

道高塵俗住應難，攜錫東歸暑未殘。
紫殿已承新雨露，白雲終憶舊峰巒。
孤村路僻牽吟遠，峭壁泉飛入夢寒。
滿篋御書兼御札，到時松院與誰看。

天台續集拾遺

陳延賞

江西德化人淳化二年進士天聖中官知筠州
瑞州府志作資州人

國朝自建隆至大中祥符七年垂五十載謝
願素始奏名甫官太守

死却王褒五百春資中不見有詞臣今朝忽遇登龍
客喜殺西郊謝逸人

全蜀藝文志

胡從義

從義萍鄉人少爲吏登淳化三年進士官員外
郎

縱魚詩

放汝入長江養教鱗角出風雲際會時莫道不相識

江西
詩徵

李景和

景和湖口人淳化三年進士

石鐘山

楚地有石鼓吾地有石鐘鼓不假制作鐘不費陶鎔
朕兆不可測良由造化工安得置太廟同聲叶時雍

江西
詩徵

孫何 厲有

題石橋

六月巖崖似九秋興公辭賦好淹留杉松迤邐連華
頂鍾磬依稀近沃洲枕水古碑卿相撰拂雲新剎帝
皇修高僧盡解飛金錫誰是當年白道猷

天台續集

趙湘 屬有

寄國清處謙

三江風浪隔天台想見當時賦詠才近有高僧飛錫
去更無餘事出山來猿猱歷歷窺香火日月紛紛付
劫灰我欲相期談實相東林何必謝劉雷

天台思古

遊人行盡天台路仙家杳杳知何處惟有山前一派

溪落花依舊流春暮

天台續集

張士遜 厲有

送高學士知越

著撰煩鴻筆均勞利建侯僧隨天際棹郡冠浙東州
山影四明接溪聲萬壑流

顧長康云萬壑爭流

謝家風月在公

外稱冥搜

憶越州

稽山巖壑深復高思之誰妙丹青毫霜縑若得一千
幅仵圖何必乘蘭舸

平湖八百里多奇君曾縱賞無餘遺不知風月誰爲

主夷猶未必如當時

以上會稽掇英集

送僧歸護國寺

一言已了忘筌誼諸祖休傳壞色衣
隻履遠過慈巖去片雲高傍石橋歸
海宮有請盃慵度塵劫無涯錫倦飛
元帥香燈持百載又從樞府發清輝

天台續集

卓錫泉

靈踪遺幾載卓錫在高岑如法歸何地
清泉流至今苔花生細細雲葉映沈沈
桂魄皎清夜分明六祖心
雍熙中植桐于蕭寺壬辰登科後告老來寺

因題

桐枝手植有桐孫二紀重來愧此身三匹衣魚聯貴
仕十洲軒冕接清塵耕桑雖喜多新隴耆艾堪嗟少
故人蕭寺前題粉壁在又書丁巳對壬辰

寄唐山人

梓潼江口涪江上深僻還如樛杜村獨坐翠光噴釣
艇萬家寒影落吟軒

官舍書事

一載涪江上轉添山野情手攜僧共出筆放吏歸耕
官舍如僧舍翛然萬慮清等閑無客到容易有苔生

輿地
紀勝

麻姑山

結友尋真重駐留，行行渾似近蓬邱。
人擎綠玉簡齊立，水帶碧桃花亂流。
松蓋幾層須自老，芝英三秀又誰收。
坐中忽見紅雲起，疑是仙姑訪舊遊。

麻姑山志

宋詩紀事補遺卷三

男侍讀銜內閣中書樹藩校